

### Ngā Tatauranga

---

- ✓ **2.915 miriona** ngā tāngata kua oti te whakauru ki te pōti.
- ✓ **Ko te whakatau tata, ko 94.96 te ōrau** o te taupori māraurau kua oti te whakauru ki te pōti.
- ✓ **2.688 miriona** ngā tāngata kei te rārangi pōti whānui.
- ✓ **227,762** ngā tāngata kei te rārangi pōti Māori.
- ✓ **154,763** ngā tāngata kāore anō i whakauru ki te pōti.
- ✓ Tokorua pea o ia tokotoru kāore anō i whakauru ki te pōti – 91,752 rānei – he hunga taitamariki 18-24 tau te pakeke
- ✓ Kei te hunga e 30-39 ngā tau ngā tauanga whakauru tino pai – ko te 6,300 anake ngā mea kāore anō i whakauru
- ✓ **61,450 ngā tāngata i huri ki te 18** ngā tau i te tau ka taha nei, e mea ana kua māraurau rātou ki te whakauru ki te pōti mō te wā tuatahi.
  - I te tau 2004 (te tau pōtitanga ā-rohe o mua tonu atu)
    - 595,778 ngā tāngata i whakahou i ō rātou taipitopito wāhi noho
    - 142,755 ngā tāngata i whakauru ki te pōti mō te wā tuatahi
    - 99,418 ngā reta pārongo pōtitanga i tuku atu ki ngā tāngata kua whakaurua i mua i whakahokia mai ki te Tari Whakauru Kaipōti.
- ✓ **900,000 ngā tāngata i nuku whare** i te tau ka taha\*
- ✓ Kotahi o ngā tāngata tokowhā kua nuku whare i te tau ka taha\*

\*mātāpuna: Tatauranga Aotearoa 2006 Raraunga Tatauranga (kei roto anō ngā rōpū pakeke katoa)

### Ngā Rā

---

<b>Mane te 9 o Hōngongoi</b>	Ka tukua atu ngā mōkihi whakahoutanga pōti mā te mēra
<b>Wenerei te 11 o Hōngongoi</b>	Kua tae atu ngā ngā mōkihi whakahoutanga katoa
<b>Paraire te 24 o Here-turi-kōkā</b>	Te rā whakamutunga hei whakauru i ngā taipitopito whakauru, taipitopito whakahou rānei ki te tānga o te rārangi ingoa pōtitanga, hei whiwhi hoki i ngā pepa pōti i te mēra.
<b>Atu i te Paraire te 21 o Mahuru</b>	Ka whiwhi pepa pōti ngā kaipōti kua oti te rēhita, i roto i te mēra. Ka āhei ngā kaipōti te pōti meake hiahia rātou.
<b>Hātarei te 13 o Whiringa-ā-nuku</b>	Te Rā Pōti – me tae ngā pepa pōti ki ngā kātīpa pōti o te kaunihera ā-rohe i mua i te 12 i te ahiahi.

---

## Kaupapa Whakahou Taipitopito mō ngā Pōtitanga ā-Rohe 2007

---

### Ko wai ka āhei te whakauru

---

Ka āhei koe te whakauru ki te mea:

- ✓ kei te 18 neke atu rānei ō tau, otirā
- ✓ he kirirarau koe nō Aotearoa, he kainoho pūmau rānei, otirā
- ✓ kua noho pūmau koe ki Aotearoa neke atu i te tau kotahi o tō oranga.

Kia Mahara: Ka āhei koe te whakakā i te puka whakauru ina 17 ō tau, ā, ka whakaurua aunoatia ai koe ina huri ki te 18 ō tau.

### Kia pēhea te whakauru

---

Hei whiwhi ki te puka whakauru, hei whakahou rānei i ō taipitopito:

- ✓ waeahia 0800 ENROL NOW (0800 36 76 56)
- ✓ tuhia ā-waea koreututia rānei tō ingoa me tō wāhi noho ki 36 76
- ✓ haere rānei ki tētahi PostShop
- ✓ haere rānei ki te pae tukutuku pōtitanga [www.elections.org.nz](http://www.elections.org.nz), ka whakauru ā-ipurangi, ka whakahou i ō taipitopito rānei.

## 13 o Whiringa-ā-nuku 2007 Ngā Pōtitanga ā-Rohe

---

Ko ngā pōtitanga o te 13 o Whiringa-ā-nuku ko ngā pōti mō ngā kaunihera ā-rohe me ngā poari hauora ā-rohe, huri noa i te motu.

Ka whakahaeretia ēnei pōtitanga mā te pōti ā-mēra. Atu i te 21 Mahuru ka tukua ngā pepa pōti ki ngā kaipōti katoa kua oti te rēhita, otirā me whakahoki ēnei i mua i te 12 o ngā haora i te ahiahi o te Hātarei te 13 o Whiringa-ā-nuku.

Ka tukua he mōkihi pōtitanga ki ngā kaipōti katoa mā te mēra. Kei ēnei mōkihi pōtitanga ngā kōrero mō te whakakā me te whakahoki i ō pepa pōti.

Ko tētahi tangata kāore anō i whakauru tae ki te 24 o Here-turi-kōkā, me whakauru rawa i mua, i te Paraire te 12 o Whiringa-ā-nuku rānei. Nō te mea kāore e riro i ēnei tāngata he pepa pōti i te mēra, me tono e rātou he pepa pōti 'whakapuakanga motuhake' i tō rātou kātīpa pōtitanga o te kaunihera ā-rohe.

E wātea ana ētahi pārongo anō mō ngā pōtitanga ā-rohe 2007 i ia kaunihera ā-rohe, i te pae tukutuku [www.localgovt.co.nz](http://www.localgovt.co.nz) rānei.

**E wātea ana ētahi pārongo atu mō te whakauru ki te pōti i [www.elections.org.nz](http://www.elections.org.nz)**